

Ե.

ԱՆՏՈՆ Վ. ՊՈՒՐԱԳԵԱՆ

ԱՐՔԵՊ. ՂԱՐՍԻ. ԱԴՄԻՆԻՍՏՐԱՏՈՐ ՂԱՐԱՍՈՒ-
ՊԱԶԱՐԻ (1760—1822)

Այժմու Ռուսիոյ արեւմտեան կողմն՝
Աւստրիոյ սահմանակից կայ Կամենից-Պոդոլսկ
քաղաքը, որ ի հնուց Լեհական թագաւորու-
թեան երկիր էր: ԺԱ. դարուն մէջերն Անիէն
գաղթող Հայեր Լեհաստանի Լեմբերգ քա-
ղաքը չյառաջացած՝ տեղաւորուած են այստեղ,
ուր եւ կան ցայսօր հայ գաղթականութեան
մնացորդներ: Ունէին իրենք Կամենիցի մէջ
Ս. Նիկողայոսի նուիրուած մեծագործ եկեղեցի
մը՝ Ս. Աստուածածնի անուանի պատկերով:

Կամենիցի Հայեր ունեցած են ի հնուց
հետէ իրենց յատուկ Եպիսկոպոսը. բայց երբ
Լեհաստանի Հայերը կաթողիկէ հաւատքն ըն-
դունեցան (ԺԷ դարու սկիզբն), Լեմբերգի հայ
կաթ. Արքեպիսկոպոսն եղաւ նաեւ Կամենիցի
Աթոռակալ¹: Լեհաստանի վերջին բաժանման

1 Բէնեգիկտոս ԺԳ. առժամանակեայ իշխանութիւն
առուած էր Կամենիցի լատին Եպ. Ոսիոսին՝ կաթողիկէ յոյն
(= Ռուսէն) եւ հայ կղերականները լատին ծէսով ձեռնա-
դրելու: Ասոր յաջորդը Կղեմէս ԺԲ. 23 Ապր. 1732ի հրա-